

# Bievnesh naasjovnal pryövoej bijre

2008

Bievnesh eejhtegidie, tjidjtieh aehtjeh bielide naasjovnal  
pryövoej bijre giej leah maanah 5. jih 8. tsiehkine



## Åvtebaakoe maahtoeministereste

Mijjen learohkidie edtjebe buektiehtidh bööremes skuvlem mij gååvnese jìh mijjeh tjoerebe iktegh barkedh guktie ööhpehtimmie buerebe sjædta. Aktem dejstie vihkelommes laavenjassistie skuvlesne lea fasschte learohkh dah maadth maahtoeh åadtjoeh. Dovne skuvlh, tjielth jìh naasjovnalèn åajvohkh edtjeh dah naasjovnalèn pryövoeh nuhtjedh guktie dah biävnesch learohkij lieremen bijre åadtjoeh.

Dihthe maahtoe maam learohkh maehtieh jìh eah maehtieh lea dan daerpies jis maahta daejredh gusnie lea daerpies sjìere råajvarimmieh aatskade. Daate dæjpa dovne joekoen learohkoem, klaassh jìh skuvlh. Eejhtegh, tjìdtjeh aehtjeh bielieh edtjeh aaj biävnesch åadtjodh guktie dej maanajgumie gåarede. Manne haastam eejhtegidie, tjìdtjeh aehtjeh bielide edtjeh dej maanajgumie soptsestallieh dej naasjovnalèn pryövoej bijre, jìh lohkehtæjjine sopstallieh guktie gåarede jìh maam destie bætetieh.

Dej jeatjah vierhtiedimmiehammoej ektesne edtjeh dah naasjovnalèn pryövoeh mijjese buerie våarome vedtedh buerebe skuvlem evtiedidh.

Bård Vegar Solhjell

## Mannasinie naasjovnalèn pryövoeh?

Naasjovnale pryövoeh edtjeh biävnesch vedtedh mejtie learohki maadth maahtoeh seamma raajesne guktie learesoejkesji ulmieh leah. Learoesoejkesjisnie dejtie maadth maahtojde naemhtie buerkeste:

- *Maehtedh njaalmeldh gïelem*
- *Maehtedh tjaaleldh gïelem*
- *Maehtedh lohkedh*
- *Maehtedh ryöknedh*
- *Maehtedh digitale vierhtieh utnedh*

Daah maahtoeh leah vihkele ööhpetæmman jìh evtiedæmman gaajhkh faagine jìh learohkidie vihkeles guktie dah edtjeh skuvlesne jìh dan mænngan sijjen jieleemisnie bearkadidh. Dannasinie daah maadth maahtoeh maahtaldahkeulmieh gaajhkh faagine.

Vuesiehtimmien gaavhtan learohkh tjuerieh maehtedh lohkedh jis edtjeh maehtedh biävnesch tjöonghkedh, toelhkstedh jìh jiermestalledh eatenemenfaagen teekstij bijre. Tjuerieh maehtedh ryöknedh jis edtjeh taallijgumie barkedh jìh viertiestidh faagen teemaj bijre siebredahkefaagesne, jìh dah tjuerieh maehtedh bihkedimmieh lohkedh jìh möölegh ryöknedh jis edtjeh maehtedh beapmoeh jurjiehtidh beapmoeh- jìh healsoefaagesne.

### Jaepien 2008 edtja golme naasjovnalèn pryövoeh 5. jìh 8. tsiehkine darjodh.

- *lohkeme daaroen*
- *ryökname*
- *lohkeme englaanten gïelesne*

Naasjovnalèn pryövoeh lohkeme englaanten gïelesne lea elektronihken pryövoe maam learohkh edtjeh PC'esne tjìrrehtidh. Dah pryövoeh lohkeme daaroen jìh ryökname edtjeh paehperisnie tjìrrehtidh. Eah dah leah pryövoeh dejtie faagide daaroen jìh matematihke, mohte lohkeme jìh ryökname gellie faagine.

Vaestiedassh pryövoejstie biävnesch vedtieh learohki maahtojde veadtasuvvieh lohkemisnie, ryökneemisnie jìh englaanten gïelesne.

Skuvlh, tjieltieh jìh voernges åajvohkh edtjeh dejtie biävnesidie utnedh gosse barkeminie buerebe ööhpehtimmien buektiehtidh.

## Gie edtja pryövide darjodh?

Naasjovnalèn pryövoeh jaejpian 2008 5. jìh 8. tsiehkine maadthskuvlesne tjìrrehtidh. Gaajhkh learohkh daejnie tsiehkine tjuerieh pryövoejde darjodh, vuejnieh njoelkedassem ööhpehtimmielaakesne ruffien 23.-n biejjien 2006, § 2 - 4, jìh njoelkedassem privateskuvlelaakesne snjaltjen 14.-n biejjien 2006, § 2 - 4.

Skuvle maahta nænnoestidh mejtie sæemies eah daarpesjh naasjovnalèn pryövoejde darjodh. Vuesiehtimmien gaavhtan learohkh mah sjìerelohketimmien utnieh 5 kapihtelen mietie ööhpehtimmielaakesne, jallh learohkh mah sjìere gïeleööhpehtimmien gïelelaaken mietie åadtjoeh. Jalhts akte learohke laaken mietie ij daarpesjh pryövoejde darjodh, learohke jìjtje jallh eejhtegh, tjìdtjeh aehtjeh bielide maehtieh nænnoestidh learohkhe edtja pryövoem darjodh.

Learohkh mah eah nuepiem utnieh aktem jallh gellie naasjovnalèn pryövoeh pryövemebiejjien darjodh edtjeh faalaldahkem åadtjodh pryövoem mænngan darjodh.

## Gåessie pryövide darjodh?


Gaajhkh pryövoeh edtja skïereden daan jaepien tjìrrehtidh.

### 5. tsiehkine tjìrrehtidh:

Dæjsta 23.09: Ryökname  
Duarsta 25.09: Lohkeme daaroen  
Våhkoeh 36 jìh 37: Lohkeme englaanten gïelesne (elektronihken pryövoe)

### 8. tsiehkine tjìrrehtidh:

Dæjsta 23.09: Ryökname  
Duarsta 25.09: Lohkeme daaroen  
Våhkoeh 38 jìh 39: Lohkeme englaanten gïelesne (elektronihken pryövoe)



Pryövoetiijje lohkeme daaroen jïh ryökname lea 90 minudth gáabpatjahken tsiehkide, mearan pryövoetiijje disse elektronihken pryövoose englaanten gielesne leah 60 minudth gáabpatjahken tsiehkide.

### **Mah lierehtimmide edtjeh learokh vaestiedidh?**

Pryövoeh leah dovne gellieveeljemegyhtjelassh jïh gaahpoeh gyhtjelassh. Gaahpoeh gyhtjelassine learohke edtja jïjtjene baakoejgumie jallh taallijgumie vaestiedidh, mearan gellieveeljemegyhtjelassine learokhke edtja aktem vaestiedimmiem vveeljedh gellie vaestiedimmijstie. Jeenjemes learokhijstie áadtjoeh vuejnedh naan gyhtjelassh lea aelhkie, mearan naan jeatjah leah geerve.

Ööhpehtimmiedirektoraten nedtebielesne vuesiehtimmielïer-ehtimmieh gáávnesieh gusnie learohke nuepiem áádtje vuartasjidh guktie gyhtjelassh naasjovnaln pryövojne maehtieh árrodh jïh dejtie ovmessie gyhtjelassij hammoeh áahpenidh.

### **Gie áádtje vaestiedimmide vuejnedh?**

Learohke jïh learohken eejtegh, tjídtjeh aehtjeh bielieh edtjeh daejredh guktie gáerede jïh áádtjoeh pryövoen vaestiedimmieh vuejnedh, jïh guktie dam ööhpetæmman vuesehte. Guktie pryövoem gáeredi edtja aaj tema learokhesopstallemem árrodh.

Skuvleávttehke jïh skuvleaajhtere maehtieh pryövemevaestiedimmide vuejnedh. Dah vaestiedimmieh edtjeh vâarome árrodh gosse lieremem buerebe skuvlesne galka sjídtedh. Bæjhkoehimmelaake aaj naasjovnaln pryövoeh dæjpa, mohte Ööhpehtimmiedirektoate ij sïjhth vâaromem darjodh guktie mahta skuvlide trapkesidh.

Tjïeltij jïh fylkij vaestiedimmieh bæjhkohte Skoleporten'isnie [www.udir.no/skoleporten](http://www.udir.no/skoleporten). Díhte dan gaavhtan dah vaestiedimmieh lea vihkeles gosse skuvlepolitihkem siebredahkesne digkiedidh.

Ij leah luhpie biévnesh learohken vaestiedimmiej bijre naasjovnaln pryövine biévnedh.

Ööhpehtimmiedirektoate akti skuvleaajhtere ektine lea díedte gosse naasjovnaln pryövoej biévnesigumie barka. Ööhpehtimmiedirektoate lea aaj díedte gosse dejtie vaestiedimmide edtja bæjhkoehidh.


### **Vielie biévnesh**

Vielie biévnesh naasjovnaln pryövoej bijre gáávnesidh

ööhpehtimmiedirektoraten nedtesæjtoe [www.udir.no/nasjonaleprover](http://www.udir.no/nasjonaleprover).

Gaajhkh learoesejkesjh Maahtoelutnjemisnie ööhpehtimmiedirektoraten nedtebielesne [www.udir.no/grep](http://www.udir.no/grep). Daesnie aaj maahtaldahkeulmide 4. jïh 7. tsiehkine gáávnesieh mah vuesiehtieh mij meatan dejnie naasjovnaln pryövine 5. jïh 8. tsiehkine.

Eejhtegh, tjídtjeh aehtjeh bielide aaj vielie biévnesh naasjovnaln pryövoej bijre skuvleste maehtieh áádtjodh.



Kolstadgata 1  
Postboks 2924 Tøyen  
0608 OSLO  
Telefovdna 23 30 12 00  
Telefaks 23 30 12 99  
[www.utdanningsdirektoratet.no](http://www.utdanningsdirektoratet.no)